

日 月 爭 光

袁大總統題額

模範軍人

關壯穆
岳武穆

事略


第一冊

中華民國四年七月





關 壯 穆 遺 像



岳武穆遺像

模範軍人第一冊目錄

上卷 關壯穆

第一章 關岳忠義之氣

第二章 危難之歷史

第三章 威震華夏之日

第四章 不當倚神而當倚人

下卷 岳武穆

第一章 武穆所遇之時世

第二章 武穆之知遇

第三章 削平內亂

第四章 對外之戰功

第五章 郾城之大戰

第六章 痛飲黃龍之虛想

第七章 武穆之結局

模範軍人第一冊

上卷 關壯穆

第一章 關岳忠義之氣

歷史上之聖賢豪傑亦多矣。然普通之人不能盡知其名。至今婦人稚子田夫野老一聞其名而莫不敬之如父尊之爲神者。則惟關壯穆岳武穆二人。夫人之崇拜關岳時無間乎古今。地無隔乎南北。深切著明。至於如此者。實言之。非崇拜關岳也。乃崇拜忠義耳。忠莫大乎愛國。義莫切乎尙武。愛國尙武之可貴。人皆知之。惟關岳爲造乎其極。夫忠義之爲物也。視之無形。聽之無聲。從至性至情中自在流出。及其發爲事業。則萬人共見如日星河。岳之昭明焉。動人景慕。則中外皆欽如風霆雷雨之。

鼓盪焉。古來英雄豪傑之氣。作山河名垂宇宙者。莫非由此。

今夫人平居里巷。見有忠實慕義之人。行一小善。猶爲之動容咨歎。况二公之磊磊落落。至大至剛之氣。充乎天地。塞乎古今者乎。其人人崇拜之而感慕之也。固宜。

當關壯穆之世。東漢旣亡。昭烈以帝室之胄。欲伸大義於天下。而流離顛沛。屢瀕於危。壯穆不避艱難。削吳伐魏。思復漢業。雖萬死不易其志。當岳武穆之世。徽欽蒙塵。金人猖狂。高宗退守臨安。今浙江中原不保。社稷邱墟。武穆忠義奮發。一腔熱血。十載行間。雖萬死不易其志。二公之遭遇。同以武力報國。不成則

以身殉國之志。同先聖後聖。其揆若一。有爲者亦若是。吾儕勉之可也。

嗚呼。今日何日。今時何時。哉。臥榻之側。將屬他人。大好河山。幾非我輩吐氣揚眉之場矣。夫以四千年歷史。四萬萬人民。四千萬方里土地之國。而寢衰寢微。

馬侯關之中廟關州列



至於如此者其原因雖不止一端而最大之原因則以我先民尙武之風。至於近世而蕩然無存也。

夫武力者國之藩籬也。人無不愛其家者則無不欲固其牆垣以禦暴客者不尙武以衛國則藩籬無存。國於何有。國亡則家於何有。致果殺敵恃我海陸之軍人是固然矣。然軍人卽平民之代表。平民強則軍人亦強。平民弱則軍人亦弱。今日身列行伍者固宜慕古名將有勇知方之概。卽我平民亦宜枕戈待旦厲其尙武之精神共以干城自任也。

當知軍國民者人民保國之天職而生存此世享受幸福之原則也。我國自唐宋以後狃於閉關自治苟且偷安之局養成重文輕武之風言及從軍則五中震懼避之若恐不及勉強入伍竊竊思歸與之語國家積弱不武將亡則茫然不省七十年來與東西諸國相見於疆場也戰無不敗攻無不失割地賠款積

成故事。誰爲爲之。而至於此。今聞我先民忠義之氣。武烈之風。其亦奮然起乎。千百年來喪失之國魂。盡歸乎來。

雖然。編者尙有一言。以告讀者曰。有文明之武力。有野蠻之武力。如東西各國之武力。不用則已。用則博美名。享榮譽。此文明之武力也。非洲內地。南洋各島之武力。不用則已。用則土地削。種族耗。此野蠻之武力也。同一武力。而有若是其不同者。無他。亦其用之有常有否而已。爲大局而用武者。爲當。爲血氣而用武者。則不當也。公戰則當。私鬪則不當也。

歷史家之論定英雄。其第一條則曰。凡英雄者。爲國家。爲社會。而動者也。由是而推演之。爲國家社會而不動者。非英雄也。不爲國家社會而動者。亦非英雄也。一利一害。發端甚微。結果甚大。願愛國同胞一審之。

第二章 危難之歷史

關壯穆生於漢。岳武穆生於宋。兩人相去。蓋五百有餘年也。則以次當先敘壯穆。

壯穆名羽。初字長生。古人字與名之義。多相應者。長生之義。與羽不相應。因又改稱雲長。今山西解縣人也。生而儀狀雄偉。望之若神。好春秋左氏傳。全書皆能背誦。漢當桓靈之季。王綱解紐。羣盜如毛。天下紛然。正英雄用武之秋。而風雲之際會。乃在迢迢千里以外之涿郡。

漢時涿郡今直隸之涿縣也。昭烈故居在焉。昭烈之祖。爲景帝子中山靖王勝。武帝時。勝受封於涿。後雖失爵。子孫世居是邑。未嘗他徙。昭烈少孤。與母販履織席爲業。舍東南籬角上。有桑樹。生高五丈餘。童童如小車。蓋昭烈少時。常與宗中諸小兒。戲於樹下。不知此樹。今猶無恙否。壯穆以避仇亡命。輾轉至涿。得與昭烈相遇。報國之日。於是始矣。

劉關相遇之後。不久復來一張桓侯。三人序齒。遂約爲兄弟。時外則黃巾作亂。內則董卓專權。州郡並起義兵。昭烈合徒衆。起於里中。依公孫瓚。瓚以爲平原相。壯穆與桓侯爲別部司馬。分統部曲。三人義則君臣。而寢食相共。雖骨肉生死之交。其情好亦不能過也。稠人廣坐。侍立終日。隨昭烈周旋。不避艱險。食人之祿者。忠人之事。大丈夫之行。爲不當如是耶。

漢末羣雄如曹操、袁紹、袁術、呂布、劉表、孫權之徒。其勢力皆比昭烈爲強。昭烈

雖在窮困之中。壯穆亦無去志。會曹操攻徐州。

今江蘇銅山縣

州牧陶謙遣使告急於

田楷。

時爲青州刺史

壯穆隨昭烈往救之。時僅有兵千人。及飢民數千人。旣到。謙以兵

四千益之。無何。謙病臨死。以徐州讓昭烈。表爲州牧。

徐州地居三省之衝。用武之國也。壯穆奉命守下邳。昭烈驟膺州郡。又得此巖疆。向之兵不及二千者。此時有步騎十萬。上可以匡主濟民。下可以割地守境。

漢室重興有日矣。壯穆於是喜甚。未幾徐州又爲呂布所奪。昭烈敗走歸於曹操。壯穆隨之。

昭烈既失徐州。居於許昌。

今河南許縣曹操遷漢獻帝至此後曹丕亦都之

蛟龍失水困於池中。暇則

灌園種菜。壯穆亦耰鋤相隨。能屈能伸。豈尋常武夫之襟懷也。旣而昭烈奉衣

帶中密詔討曹操。操初不知其事。使昭烈出邀袁紹。遂乘間殺徐州刺史車胄。

復有徐州命壯穆守下邳。

今江蘇邳縣

行太守事。建安五年。

漢獻帝年號。民國前一七一年

曹操

來攻。昭烈奔袁紹。壯穆被執。拜爲偏將軍。曹操禮之甚厚。或者曰。壯穆慕義如歸。勢窮兵敗。何難一死。而顧低首下心。爲降將軍乎。不知此時昭烈尙在圖報之機。尙未絕望。與其慷慨一死。重傷昭烈之心。何如忍辱一時。留作他年之用。壯穆之不死。正壯穆之知大體也。

然壯穆又慮之熟矣。蓋此時曹操雖有不臣之心。而漢帝尙在拜爵於朝。委而

去之。是無禮於君也。不忍背。患難曾共之。故主而忍背天下之共主乎。操之與公薰蕕異器。曩日固欲殺之。昭烈在許與曹操共獵壯今豈願爲之盡力。然受知於兵敗之頃。見禮於俘虜之際。淮陰一飯子胥千金。千古血性男子。有感恩而不報者乎。故其心神雖無久留之意。猶使故友張遼白曹操曰。『吾極知曹公待我厚。然吾受劉將軍厚恩。誓以共死。不可背之。吾終不留。吾要當立效。以報曹公。』乃去。』觀此數語。則壯穆於公義私情。兩無所虧。而慮事之精詳。亦不輸武鄉侯也。

袁紹遣大將軍顏良攻東郡太守劉延於白馬。曹操使壯穆爲先鋒。擊之。壯穆望見良。麾蓋策馬直前。刺良於萬衆之中。斬其首。還紹諸將。莫敢仰視。遂解白馬圍。操表其功於朝。封爲漢壽亭侯。重加賞賜。蓋知壯穆旣已立功。必踐前言而去。故欲以爵祿縻之也。壯穆盡封其所賜。拜書告辭。而奔昭烈於袁軍左右。

白操可追之。操曰：「事君不忘其本，天下義士也可勿追之。」

壯穆既亡，歸昭烈。見袁紹非可依之人，欲離之。他往，乃說紹南連荊州，牧劉表，以壯羽翼，紹從之。昭烈至荊州，見表坐擁荊州財賦之邦，襄陽形勝之地，而資性暗弱，牽虛文而昧實事，樂宴安而妄憂勤，荏苒數年，亦無可乘之勢。一日嘆曰：「吾常身不離鞍，髀肉皆消。」髀肉，股上之肉也。人久騎，則股肉自瘦。今不復騎，髀裏肉生，日月若馳，老將至矣。而功業不建，「嗚呼！此時此際，豈獨昭烈言下慨然，即壯穆聞之，亦能弗動容哉！」

第三章 威震華夏之日

建安十三年

民國前七年

劉表卒，其子琮以荊州降於曹操。昭烈方屯樊。

今樊城在

襄陽縣北臨漢水

不虞操兵忽至，乃急走當陽，別遣壯穆率舟師浮江而下。約在江陵

相會。操知江陵有軍實，恐昭烈據之，將精騎五千急追之。一日一夜行三百餘



里及於當陽北今安湖

縣之長坂在縣今東安

昭烈棄妻子與

諸葛亮張飛趙雲

等數十騎斜趣漢

津而壯穆之舟師

適至遂得濟沔脫

此時壯穆稍有遺

誤則大事去矣

昭烈既脫追兵與

劉表長子江夏太

守劉琦俱到夏口。今漢口鎮遣諸葛亮求救於孫權。權遣周瑜、程普等水軍數萬與

昭烈并力拒操。大破之於赤壁。山名在今湖北武昌府西北江濱曹操遁歸。昭烈遂領荊州牧。

以壯穆爲襄陽太守。盪寇將軍。駐江北。及昭烈西定益州。今四川奉命董督荊

州事。

壯穆自初至涿郡。與昭烈相遇。其間沛顛流離。所如輒窮。英雄無用武之地。讀史者所爲廢書而嘆也。今則坐擁荊州形勢之地。兵精糧足。指揮如意。君臣之間。推心置腹。此正壯士建立功名。洒血報國之秋矣。

壯穆聞馬超來降。作書與諸葛亮。問超人才可誰比類。亮答之曰。「馬孟起。之超

也字兼資文武。雄烈過人。一世之傑。鯨彭鯨謂鯨布彭謂彭越皆漢初猛將之徒。當與益德張飛

俗誤爲並驅爭先。猶未及髯之絕倫逸羣也。」壯穆美鬚髯。故亮直以髯稱之。

壯穆得書乃大悅。